




儀禮疏

卷二十二至卷二十四





儀禮疏卷第二十二

唐朝散大夫行太學博士弘文館學士臣賈公彥等撰

饌于至北上

釋曰云西北上者則於東辟下南陳西北有韭菹

醢次昌本次南麋蕡次西有菁菹次北有鹿蕡亦屈錯也上西夾饌

六豆直言其上不云西北上此東夾獨云西北上者以其西夾言北上

其東醢醢是西北上可知此東夾饌若不言西北上恐東夾饌從東辟

南陳以東北為上其西有醢醢與西夾相對陳之故云西北上見雖東

夾其陳亦與西夾同是以鄭云亦非菹其東醢醢也醢醢至在東

注夾碑至陰也釋曰案既夕禮云饗三醢醢肩鄭注云饗瓦器其容

亦蓋一穀旣人云簋實一穀又云豆實二而成穀四升曰豆則饗與

同受升二升也禮器云五獻之尊門外缶門內壺君尊瓦甒注云壺大

一石瓦甒五斗即此壺大一石也云夾碑在鼎之中央也者上陳鼎云

西階前陪鼎當內廉東面北上上當碑南陳下臠鼎亦如之此言夾碑

自然在鼎之中央可知云醢醢在東醢穀陽也醢肉陰也者醢是釀穀為

之酒之類在人消散故云陽醢是釀肉為之在人沈重故云陰也大宗

伯云天產作陰德地產作陽德注云天產六牲之屬地產九穀之屬以六牲為陽九穀為陰與此醢是穀物為陽建者物各有所對六牲動物行蟲也故九穀為陰郊特牲云鼎俎奇而邊豆偶陰陽之義也又以豆醢醢等為陰鼎俎肉物摠為陽者亦各有所對以鼎俎之實以骨為主故為陽邊豆穀物故為陰也有司徹注又以庶羞為陽內羞為陰者亦羞中自相對內羞雖有糝食是肉物其中有糝餌粉糝食物故為陰庶羞肉物故為陽也 餼二至羊豕 注餼生至其左 釋曰先言饗後言餼者陳者先以熟為主是以先陳饗饗下即陳孰物繼之故六豆以下相次此餼是生物其下次陳芻新米禾之等相繼也云牛羊右手牽之者曲禮云效馬效羊者右牽之以不噬齧人用右手便也言右手牽之則人居其左也云豕束之寢右亦居其左者豕束縛其足亦北首寢卧其右亦人居其左案特牲云牲在其西北首東足鄭注云東足者尚右也與此不同者彼祭禮法用右胖故寢左上右士虞記云陳牲于廟門外北首西上寢右鄭注寢右者當升左胖也變吉故與此生人同也 米百至四行 注庭實至深也 釋曰云庭實固當庭中言當申

庭者南北之中也者上享時直言庭實入設不言中庭則在東西之中其南北三分庭一在南此更言中庭欲明南北之中也上文公立於中庭寧受幣於中庭皆南北之中也知北上東西為行者以經云北上黍梁稻皆兩行稷四行若南北縱陳止得言東西不得言北上何者以黍梁稻及稷當行皆一種無上下故也明橫陳可知黍兩行在北次梁兩行次稻兩行次南稷四行所以不用稻為上者稻梁是加黍稷是正故黍為上端稷為下端以見上下而稻梁居其間亦相變者亦上絳屈錯之義云此言中庭則設碑近如堂深也者陳鼎上當其碑南向陳之醢醢夾碑在鼎中央亦南向陳之今米為筭在醢醢之南北之中則碑近此可知言堂深者猶若設洗南北以堂深相似若然碑東當洗矣 門外至東陳 注大夫至為逾 釋曰云大夫之禮米禾皆視死牢者上文經一牢腥二牢是三牢死故米三十車并下禾三十車亦是視死牢也云秉數數名也秉有五數二十四斛也者下記云十斗曰斛十六斗曰數十數曰秉若然一秉十六斛又有五數為八斛摠二十四斛也云數讀若不數之數者鄭君時以數為數名數名有數有不數故云不數

儀禮疏卷二十二

之數此從音讀其字仍竹下為之得為十其斗為數故下記注云今江  
 淮之間量名有為數者是十其斗量器之名 注耗數至百秉 釋曰  
 下記云四秉曰筥十筥曰稷十稷曰秬四百秉為一秬三四十二為千  
 二百秉也 薪芻倍禾 注倍禾至焉爾 釋曰薪從米芻從禾者  
 以其薪可以炊爨故從米陳之芻可以食馬故從禾陳之鄭言此者以  
 經云倍禾恐並從禾陳之故也云四者之車皆陳北轉者以其向內為  
 正故也引聘義者欲見主君享禮聘賓外內皆善故引為證也 賓  
 至荅拜 注大夫使者卿也 釋曰云外門外者謂於主人大門外入  
 大門東行即至廟門也云不荅拜者亦以為君使不敢當故也云大夫  
 使者卿也者即上卿韋弁者也 揖入至揖入 注賓與至夫廟 釋  
 曰云使者止執幣者下經始云大夫奉束帛入明此賓揖入時使者止  
 執幣可知云賓侯之于門內謙也者聘時主君揖入立于庭尊卑法此  
 賓與使者幣故賓在門內謙也云門內即宁下故下賓問卿云及廟門  
 大夫揖入鄭注入者省內事也既而侯于宁下是也云古者天子適諸  
 侯必舍于太祖廟者案禮通云天子適諸侯必舍其祖廟下記云卿館

於大夫大夫館于士士館于工商鄭注云不館於敵者之廟為大尊也  
 以此差之諸侯無正又鄭注舍于諸公廟者諸云大國之孤云大夫行  
 舍于大夫廟者謂卿舍于大夫也若無孤之國諸侯舍於卿廟也 入  
 三揖皆行 注皆猶至主人 釋曰云使者尊不後主人者主人則賓  
 所在若主人也然君與使者行當後君也 至于至一等 注讓不至  
 三讓 釋曰云讓不言三不成三也凡外者主人讓于客三敵者則客  
 三辭主人乃許外者是三讓三辭成也今賓三讓大夫即外無三辭則  
 不成三也云使者尊主人三讓則許外矣者即此經主人讓大夫先外  
 是也云今使者三讓則是主人四讓也者經雖言讓大夫先外大夫之  
 讓不明故鄭君兩言之但使尊終先外若主人三讓使人亦三讓主人  
 又一讓則主人四讓使者乃外故鄭復言此也案周禮司儀云諸公之  
 臣相為國客大夫郊勞三讓登聽命又云致饗餼如勞之禮即得行三  
 讓之禮此中古文云三讓與彼合鄭不從者周禮統心舉其大率而云  
 三讓此儀禮據屈曲行事觀此經直云讓大夫先外是主人或三讓大  
 夫無三讓故不從古文也云公雖尊亦三讓乃許外不可以不下主人

也者此據公爲主人亦有三讓故上行聘時云至於階三讓公升二等  
 賓升亦是公先讓先升故成三讓是以聘禮云三讓而後升公尊必三  
 讓者不下賓客主人之義故也 注大夫至禮也 釋曰大夫以束帛  
 同致饗餼五牢及陳豆壺車米之等今賓拜饗三牢及庭實又別拜餼  
 二牢及門外米禾殊拜之者敬士君以重禮故也 大夫至升堂 注  
 賓先至北面 釋曰前大夫奉君命歸饗餼故先升一等今賓私僨使  
 者無君命體敵故賓先升在館如主人之體故也知皆北面者以其體  
 敵又下始云賓奉幣西面大夫東面明此北面可知 注止不至餘尊  
 釋曰凡賓主體敵之法主人降賓亦降今賓降使者不降者使之餘尊  
 雖合降而不降 注稽首至辭也 釋曰賓主既行敵體之禮當行頓  
 首今大夫稽首於賓爲拜君之拜尊君客故也致者賓致幣當有辭對  
 者大夫對亦當有辭所以無辭者文不具故也 受幣至面俟 注賓  
 北至之使 釋曰此賓僨使者是體敵之義經云受幣于楹間南面知  
 賓不南面並授而云賓北面授者凡敵體授之義授由其右受由其左  
 今尊君之使是以大夫南面賓北面故知賓北面授幣 注出廟至受

之 釋曰言亦者上賓受禮時受幣馬云賓降執左馬以出上介受賓  
 幣從者訝受馬此亦從者訝受馬故云亦也 賓送至稽首 注拜謝  
 至弁服 釋曰知拜謝在大門外者以其直言賓拜於朝無入門之文  
 故知在大門外若然諸侯外朝在大門外明矣引周禮者秋官掌訝職  
 云賓客至于國賓入館次于舍門外待事于客及將幣爲前驅至于朝  
 詔其位凡賓客之治今訝訝治之引之者欲見賓客發館至朝來往皆  
 掌訝前驅爲之導知此拜亦皮弁者以其受時皮弁故知此拜亦皮弁  
 也故公食大夫云若不親食使大夫各以其爵朝服以侑幣致之賓朝  
 服以受明日賓朝服以拜賜于朝彼朝服受還朝服拜則知此皮弁受  
 亦皮弁拜可知 上介至鼎三 釋曰自此盡兩馬束錦論主君使下  
 大夫歸饗餼於上介之事 注飪鼎至異館 釋曰云飪鼎七無鮮魚  
 鮮腊也者對上賓九鼎有鮮魚鮮腊也 注賓介皆異館者案下記云卿  
 館於大夫大夫館於士士館於工商彼云卿即此賓一也彼云大夫即  
 此上介也彼云士即此衆介也故知賓介各異館必異館者所陳饗餼  
 後無所容故也 西夾至上賓 注凡所至介也 釋曰云如上賓者

就

明此賓之介也者案下云賓之公幣私幣皆陳二介公幣陳是上介有與賓同者前經不言如上賓獨此經言如上賓以其此饗餼大禮西夾筮及饗如上賓以其客此上介如上賓之禮也 饋之兩馬束錦 釋曰此下大夫使者受上介之饋禮如卿使者受賓饋禮當庭同不言如上大夫者省文也 士介至門外 注宰米至西上 釋曰自此至無饋論使宰夫歸饋於衆介之事上文賓與上介米陳碑南饋陳門內此不入門陳於門外者鄭云略之也云米說當門亦十為列北上彼亦當門此直云設於門外不云東西明當門北上與賓同云牢在其南西上者以此饋本設於庭在門內由士介賤不得入門且賓與上介門東有米三十車薪六十車門西禾三十車芻六十車皆統門為上此饋本非門外東西之物制不在門外東西宜當門陳之云牢在其南西上知如此設之者以其賓上介饋在米南門西東上明知此牢亦在米南而西上為異耳 宰夫至致之 注執紼至拜迎 釋曰案下記云士館于工商則此致者在工商之館宰夫從外來即為賓客宜在門西東面此大牢之中取以致饋云朝服無束帛亦略之者決上賓與上介皮弁

修板

有束帛故以為略之也云上介西面拜迎者以其上介為主人故西面每上賓與上介米禾皆視死牢具有芻薪米禾此士直有生饋無死牢則無芻薪米禾矣 士介至首受 注受於至從者 釋曰知自牢後適宰夫右受者以其牢東北面拜明在宰夫東南從牢後來適宰夫至宰夫之後受取牛便故也必知在宰夫右受者見前君使士受私覲之馬適其右受知此亦在後受也若然君使士受私覲由前此由牢後與受馬不同者牛畜擾馴與馬有異故得從其後適宰夫右取便也云由前東面授從者於宰夫之後受牛遂由宰夫之前東面授從者亦是取便也 無擯 注既受至於朝 釋曰言無擯者決上賓與上介皆有饋士介賤故略之知明日衆介亦各如其受之服從賓拜於朝者案下夫人使下大夫韋弁歸禮賓受如受饗之禮饋之乘馬束錦又歸禮於上介上介受之如賓禮饋之兩馬束錦明日賓拜禮於朝鄭注云於是乃言賓拜明介從拜夫人歸禮介尚從拜則君饗饋介皆從拜可知 賓朝服問鄉 注不皮弁至三人 釋曰自此盡無饋論賓齎聘君之幣問主國如之事云不皮弁別於生君者對上文行聘享私覲皆皮弁此朝

服降一等故鄭注云別於主君云卿每國三人者每國三卿是其常鄭言此者欲見三卿皆以幣問之其主國下大夫曾使向己國者乃得幣問之與卿異 卿受于祖廟 注重賓至父也 釋曰卿受鄰國君所問之禮不辭讓者以其初君送客之時賓請有事於大夫君禮辭許是以卿不敢更辭故下記云大夫不敢辭云祖王父也者大夫三廟有別子者立太祖廟非別子者并立曾祖廟王父即祖廟也今不授於太祖廟及曾祖廟而受於祖廟者以其天子受於文王廟諸侯受於祖廟大夫下君故受於王父廟 下大夫擯 注無士至見之 釋曰行聘享於主國君時主君擯者三人以上并有士擯賓又設介今直云大夫擯無士擯者以其設擯介多者不敢質示行事有漸但賓行聘享於三君之時卿以與賓相接故急見之不須士擯 擯者至揖入 注入者至宁也 釋曰大夫二門入大門東行即至廟門未及廟門而有每門者大夫三廟每廟兩旁皆南北豎牆牆皆閣門假令王父廟在東則有每門每曲之事云入者省內事也者曲禮云請入為席是也云既而侯于宁者宁門屋宁也知侯于宁者下云賓入三揖皆行鄭注云皆猶並也

修板

賓與卿並行以卿侯于宁故得並行與卿三揖不侯于庭者土君也案曲禮云客至於寢門則主人請入為席然後出迎客主人肅客而入此卿既入不重出迎客者彼曲禮平常賓客故重出迎客此聘問之賓與平常賓客異土君揖賓不重出此卿亦不重出與彼同但在庭在宁不同矣 注亦從至君也 釋曰亦者亦君受聘時擯者從君而入几筵既設擯者出請此擯者亦從卿而入省內然後出請 注古文曰三讓 釋曰不從古文者亦是不成三故賓先升一等大夫從外堂故不從三讓也 注不擯賓辟君也 釋曰上文賓行聘享訖而君禮賓有束帛乘馬敵者曰擯今卿不擯賓者辟國君也 擯者至覲幣注面亦至質也 釋曰自此至授老幣論賓行私面於卿之事賓私面於卿其幣多少與私覲於君同故云如覲幣賓私覲之時用束錦乘馬則此私面於卿亦用束錦乘馬可知也云面亦見也其謂之面威儀質也者覲面並文其面為質若散文面亦為覲故鄭司儀注云私面私覲也又左傳云楚公子棄疾以乘馬八匹私面鄭伯是也 賓奉幣庭實從注庭實四馬 釋曰以其言如覲幣故知庭實四馬也 注大夫至迎

之。曰知階下辭者以其授老幣時降故也。知迎者下文揖讓如初。明迎之可知。注見私至西階。釋曰云為若降等者主人是大夫。客是士降等法士就東階今此賓與卿覲者就門右若士於大夫降等。引曲禮者主人辭賓賓遂左就門右西階復正也。庭實至如初。注大夫至並行。釋曰云大夫至庭中旋並行者賓初入門右大夫階下辭賓賓遂門左大夫至庭中迎賓大夫迴旋與賓揖而並行北出言如初者大夫不出門唯有庭中一揖至碑。又揖再揖而已。注受幣至面授。釋曰知賓北面授者以云大夫南面退西面立言退明賓不得南面又見下文賓當楣再拜明北面授因拜可知云受幣楹間敵也者凡授受之義在於兩楹之間者皆是體敵故昏禮云授于楹間南面注云授於楹間明為合好其節同也南面並授也謂賓主俱至楹間南面並而授是以曲禮云鄉與客並然後受注云於堂上則俱南面禮敵者並授此是敵者之常禮也雖是敵者於兩楹之間或有訝受者皆是相尊敬之法則此云大夫南面賓北面授雖是敵禮是尊大夫故訝受又前致饗餼饋使者於楹間賓北面授幣鄭云賓北面授尊君之使自餘

不在楹間別相尊敬是以前云公受玉于中堂與東楹之間鄭注云東楹之間亦以君行一臣行二又云公禮賓賓受幣當東楹北面注云亦訝受又賓覲公云振幣進授當東楹北面如此之類不在兩楹之間者皆非敵法就文解之。擯者至奉幣。注特面至從之。釋曰自此盡再拜送幣論上介私面於鄰國卿之事云特面者異於主君者介初覲主君之時不敢自尊別與眾介同執幣而入今私面於鄰國卿不與眾介同而特行禮焉故云特面者異於主君也云士介不從而入者對覲君時眾介從而入故鄭云君尊於眾介始覲不自別也云上賓則眾介皆從之者上介言特面則賓問卿與私面介皆從可知。皮二人贊。注亦儷皮也。釋曰案經云幣如覲則上介私面亦與私覲於君幣同故云亦儷皮也。入門至再拜。注降等也。釋曰言降等者主人是卿上介是大夫故入門右不敢自同賓客。擯者反幣。注出還于上介也。釋曰不言反皮出還於上介皮出可知但文不具。注大夫至入設。釋曰云亦者亦上賓行私面大夫升一等賓乃升此上介私面亦然故亦也。注亦於至而受。釋曰亦者賓行私面大夫受幣於

楹間南面故云亦得在楹間為敵法上介是下大夫與卿小異大同明  
得行敵法在楹間可知 擯者至賓辭 注賓亦為士介辭 釋曰自  
此至拜辱論士介私面於鄰國卿之事云賓亦為士介辭者亦者亦士  
介私覲於主國君時故云亦也 下大至及之 注嘗使至忘舊 釋  
曰自此盡于卿之禮論主國下大夫嘗使至已國者聘君使上介以幣  
問之事諸侯之國皆有三卿五大夫其三卿不問至已國不至已國皆  
以幣及之上已論訖其五大夫者或作介或特行至彼國者乃以幣及  
之略於二卿故也言君子不忘舊者此大夫嘗與彼國君相接即是故  
舊也今以幣及之故云君子不忘舊也 注上介至禮也 釋曰云上  
介三介下大夫使之禮也者下經云小聘曰問其禮如為介三介是下  
大夫小聘之禮據此篇大聘使卿五介小聘使大夫三介若大國之卿  
七介小聘使大夫五介小國之卿三介小聘使大夫一介也曲禮云儻  
人必於其倫故問下大夫還使上介是各於其爵易以相尊敬者也  
大夫若不見 注有故也 釋曰自此盡不拜論主國卿大夫有故不  
得親受聘君之幣之事言有故者或有病疾或有哀慘不得受其問禮

君使至不拜 注各以至禮也 釋曰云各以其爵主人卿也則使卿  
大夫也則使大夫者若然經云君使大夫大夫中有卿大夫摠名也云  
各以其爵亦是易以相尊敬故也云不拜代受之耳不當主人禮也者  
案周禮宗伯云大賓客則攝而載裸鄭注云宗伯代王為裸拜送則王  
亦此類拜是致敬之事不可代人之拜故直授之而已不當主人之禮  
拜之 夕夫至歸禮 注夕問至小君 釋曰自此盡賓拜禮於朝論  
主君夫人歸禮於賓與上介之事云夕問卿之夕也者案下記云聘曰  
致饗明日問大夫夕夫人歸禮是其問卿之夕也云使下大夫下君也  
者歸饗餼使卿此夫人使下大夫故云下君也云君使之云夫人者以  
致辭當稱寡小君者案隱二年傳九月紀裂繻來逆女何以不稱使婚  
禮不稱主人又云紀有母乎曰有有則何以不稱母母不通也何休注  
云禮婦人無外事明知此使下大夫歸禮者是君使之可知而稱夫人  
使者以其致辭於賓客時當稱寡小君故稱夫人使下大夫其實君侯  
之也 堂上至東陳 注籩豆至六豆 釋曰言籩豆六東陳者其饌  
自戶東為首二以並東陳先於北設脯即於脯南設醢又於醢東設脯

以次屈而陳之皆如上也云籩豆六者下君禮也者君歸饗餼八豆此六豆故云下君也設於戶東又辟君饌位故也云其設脯其南醢屈六籩六豆者此約君禮設豆法云韭菹其南醢醢屈故知此醢在南屈陳之又知籩豆各六者下文上介四豆四籩降殺以兩明夫人多二六豆六籩可知 壺設至兩壺 注醜白至設之 釋曰其設壺於東序自北向南而陳稻黍梁皆二壺並之而陳也故言醜黍清皆兩壺也云以黍間清白者互相備者醜白也上言白明黍梁皆有白下言清明稻黍亦有清故也於清白中言黍明醜即是稻清即是梁也故言互相備也三酒既有清白二色故言六壺必先言醜者以白酒尊重故先設之也大夫至致之 注致夫至君也 釋曰案周禮掌客云上公之禮夫人致禮八籩膳大牢致饗大牢侯伯以下亦皆有牢是朝君來時有牢此卿來聘無牢故云下朝君也 注四壺無稻酒 釋曰知者案上致於賓六壺稻黍梁皆有清白今上介四壺明從上去之無稻米之酒清白俱去之 故四壺也 注於是至為醢 釋曰鄭解若於上文賓下言之則介從拜之事不明故於上介之下乃云明日賓拜禮於朝則介從

牢明饗禮耳大牢可知但以食禮無酒饗禮有酒故以飲賓言之引公  
食饗與食互相先後者此經先言食後言饗則食在饗前公食言設洗  
如饗禮則饗在食前饗先後出於王君之意故先後不定也 燕與至  
常數 注羞謂至作淑 釋曰案周禮掌客上公三燕侯伯再燕子男  
一燕皆有常數此臣無常數者亦是君臣各為一不得相決知羞謂禽  
羞鴈鶩之屬者案下記云禽羞俶獻故知是禽知成熟煎和者以其言  
羞鼎臠之類故知成熟煎和者也知禽是鴈鶩之屬者案下記云宰夫  
歸乘禽曰如饗餼之數鄭注乘禽乘行之禽也亦云鴈鶩之屬以無正  
文故以意解之 注饗食至之也 釋曰不言從食者公食介雖從入  
不從食賓食畢食逆出是不得從食矣知從饗者下記云大夫來使無  
罪饗之過則餼之其介為介注云饗賓有介者賓尊行敵禮也故知介  
從饗案襄二十七年宋公兼享晉楚之大夫趙孟為客子木與之言弗  
能對使叔向待言焉子木亦不能對也叔向為趙孟介而得從饗是其  
義也云復特饗之即此經是也 若不至無饋 注君不至宜往 釋  
曰案上文云君使鄉歸饗餼於賓館賓饋之今君有故不親食使鄉生

致其牢禮亦於賓館但無償為美云謂有疾及他故也者他故之中兼  
及有哀慘云非必命數也者依典命公侯伯之卿三命大夫再命子男  
之卿再命大夫一命經云各以其爵故知不依命數云無償以已本宜  
往者饗餼之等不宜召賓故君使人致禮賓則償使者此饗食之禮主  
君無故合速賓之來就主君入廟賓無償禮今主君有故生致於賓亦  
無償故云本宜往此篇據侯伯之卿來聘是使卿致禮鄭兼云使大夫  
於大夫者小聘使大夫來使大夫致禮也若然經直言使大夫者大夫  
中兼有上大夫兼卿也 致饗至如之 注酬幣至諸侯 釋曰云禮  
幣束帛乘馬亦不是過也者鄭以饗之酬幣無文故約上主君禮賓之  
時用束帛乘馬此饗賓酬幣亦不過是故云亦不是過引禮器者案彼  
經云有以少為貴者圭璋特琥璜爵鄭注云圭璋特朝聘以為瑞無幣  
帛也琥璜爵者天子酬諸侯諸侯相酬以此玉將幣也彼經不云天子  
諸侯相酬之幣故此注云蓋言酬諸侯者公侯伯用琥於子男用璜引  
之者證與此酬卿大夫不同之義 大夫至侑幣 注作使至同之  
釋曰此一經論王國卿大夫饗食聘賓及上介之事此直言饗食不言

燕亦有燕是以鄭詩羔裘云知子之來之雜珮以贈之鄭注云與異國  
賓客燕時雖無此物猶言之以致其厚意其若有之固將行之士大夫  
以君命出使主君之臣必以燕禮樂之助君之歡是也又昭二年左傳  
云韓宣子來聘宴于季氏傳無譏文明鄰國大夫有相燕之法又此大  
夫相禮饗食有常數雖有燕之亦無常數亦無酬幣矣

儀禮疏卷第二十二

儀禮疏卷第二十三

唐朝散大夫行太學博士弘文館學士臣賈公彥等撰

君使至于館

注玉圭至終也

釋曰自此盡賓送不拜論玉君使卿

詣館還玉及報享之事云玉圭也者舉聘君之圭云君子於玉比德焉以之聘重禮也并相切厲之義並聘義文案聘義云天子制諸侯比年小聘三年大聘相厲以禮又云已聘而還圭璋此輕財而重禮之義又云夫昔者君子比德於玉焉是其義也云還之者德不可取於又相切厲之義也者既以玉比德德在於身不取於人彼既將玉來似將德與已已不可取彼之德故還之不取德也既不得取而將玉往來者相切磋相磨厲以德而尊天子故用之也云皮弁者始以此服受之不敢不終也者始謂受聘享在廟時今還以皮弁還玉是終之也 賓皮至以入注迎之至為率 釋曰云帥大夫以入者大夫即卿卿亦大夫也云不純為主也者客在館如主人卿往如賓今不拜迎是不純為主也決上君使卿歸饗餼時賓拜迎是純為主故也 大夫至鉤楹 注鉤楹至外也 釋曰云不東面以賓在下也者決歸饗餼時大夫東面致命

行聘時賓亦東面致命也云必言鉤楹者賓在下嫌楹外也若然不在楹外近之者以初行聘時在堂上楹內故今還在楹內也 賓自至而立 注聽命至南面 釋曰云聽命於下也者此決賓受禮時公用東帛賓西階上聽命歸饗饗時賓阼階上聽命此特於下聽命故云也云自左南面右大夫且並受也者以鄉飲酒獻酢之時授者在右受者在左故右大夫也且並受者欲取如向君前然也云若向君前耳者謂於本國君前受圭璋時北面並受今還南面並受面位受不同並受一邊不異故云若向君前耳云退為大夫降遂道者以大夫降為之遂道而退因即負右房南面而立大夫士直有東房西室天子諸侯左右房今不在大夫廟於止客館故有右房也 大夫至階東 注大夫至面立 釋曰云大夫降出言中庭者為賓降節也者以其大夫授賓圭訖降自西階將出門至中庭不止今云大夫降出中庭者大夫中庭賓乃降故鄭云為賓降節也云授於阼階東者欲親見賈人藏之也者賈人是上啓櫝者是掌玉之人此時無事在堂東待此玉故賓向阼階東得見之云賓還阼階下西面立者以其賓在館如主人在階下西面立

是其常處立者以待授璋也 注唯升堂至改也 釋曰案上文云賓自碑內聽命外自西階是其升堂由西階也云凡介之位未有改也者以其賓唯外自西階明介猶在東方故上文授上介于阼階東也故言未有改 賓裼至東紡 注賄予至至也 釋曰此則未知何用之財若是報享之物不應在禮玉之上今言此束紡者以其上圭璋是彼國之物下云禮玉束帛報聘君之享物彼君厚禮於此此亦當厚禮於彼故特加此束紡是以鄭云相厚之至也云賄予人財之言也者案下記云賄在聘于賄又云無行則重賄反幣鄭注周禮云布帛曰賄是賄為財物是與人財物謂之賄也云紡紡絲為之者因名此物為紡云今之縛也者鄭注周禮內司服亦云素紗者今之白縛也則此束紡者素紗也故據漢法況之 禮玉束帛乘皮 注禮禮至作醴 釋曰云禮禮聘君也者此謂報享之物以其彼持享物來禮此主君此主君亦以物禮彼君故云禮禮聘君也云所以報享也者彼以物享此君此君亦以物享彼君曲禮云往而不來非禮也來而不往亦非禮也今以來而往是相享之法故云報享也云亦言玉璧可知也者上文聘賓行享之時

束帛加璧束錦加琮今報享物亦有璧琮致之故云亦言玉璧可知此玉則琮也以其經言玉故以玉言之若然經言束帛兼有束錦矣案下記云賄在聘于賄又云無行則重賄反幣則此禮也 公館賓 注為賓至朝服 釋曰自此盡賓退論明日賓將發主君就館拜謝聘君使臣來禮已國之事云公朝服者以其行聘享在廟之時相尊敬重故著皮弁此拜謝之禮輕故知著朝服 賓辟 注不敢至乃下 釋曰云此亦不見言辟者君在廟門敬也者此言亦者亦勞賓時故上文賓即館卿大夫勞賓賓不見以其不見故遣上介聽命故知此賓亦不見凡言辟者將見而不見則謂之辟此本不見而言辟者以其君在廟門外雖不見而言辟故鄭云敬也云凡君有事於諸臣之家車造廟門乃下者以其卿館于大夫之廟此館則是諸臣之家案公食記云賓之乘車在大門外又曲禮云客車不入大門以此言之君車入大門矣大夫士有兩門入門東行則是廟門矣既至廟門須與賓行禮故鄭云造廟門乃下也 上介聽命 注聽命至之老 釋曰云聽命於廟門中西面如相拜然也者案前受士介幣之時賓固辭公答再拜擯者出立于門

中以相拜注云立門中闕外西面此中賓不見使介聽命明如相拜然取其視外便也必知在門中西面者以其君來如賓禮東高介西面而公可知云擯者每贊君辭則曰敢不承命告于寡君之老者以其君尊不自出辭以是故君之擯者每事贊君出辭則曰敢不承命者謂上介答君之辭知告賓云告于寡君之老者案玉藻云擯者曰寡君之老注云擯者之辭主於見他國君今上介當擯者之處故知告于賓稱告于寡君之老 聘享至再拜 注拜此至北面 釋曰云聘享者謂賓聘君以圭享君以璧夫人聘享者謂賓聘夫人以璋享夫人以琮問大夫者問三卿及嘗聘彼國之下大夫送賓以登路云拜此四事者君禮一夫人禮二大夫禮三送賓禮四四事皆再拜云公東面者公如賓禮門西東面擯者向公向介故知北面為相而言也 公退至于朝 注賓從至之意 釋曰云言請命者以已不見不敢斥尊者之意者案司儀云君館客客辟介受命遂送客從拜辱于朝此經不言拜辱而言請命凡言請者得不由君君聽則拜此下經直云公辭賓退不見拜又是君不受其謝故云請命者以已不敢斥尊者之意故不言辱而言請 公

辭賓返注辭其至行之釋曰云退還館裝駕者以明且將發故裝束駕乘引周禮者證明日客拜禮賜遂行之事鄭彼注云禮賜者謂乘禽即此下文賓拜乘禽是也賓三至聽之注發去至不識釋曰自此盡送至于竟論賓介發行主國贈送之事云明已受賜大小無不識者以其乘禽是禮以細小尚記識而拜之況饗餼食禮之大者記識可知故云大小無不識遂行舍于郊注始發至展軫釋曰曲禮云已駕僕展軫鄭注云具視也彼是君車故使僕展之此卿大夫故鄭云自展軫恐不得所故也公使至覲幣注贈送至為君釋曰所以好送之者來而不往非禮以禮來往皆是和好之事故云好送之也云言如覲幣見為反報也者以其贈之多少一如覲幣故鄭云見為反報也注不入至同節釋曰言不入無償對歸饗餼入設而有償此則不入無償明賓去禮宜有已云如受勞禮以贈勞同節者賓來勞之去有贈之皆在近郊禮又不別故言同節也使者至反命注郊近至得入釋曰自此盡拜其辱論使者反命之事知郊是近郊者以小文云朝服載禮鄭云行時稅舍於此郊今還至此正其故行服以俟君

命敬也者初行云舍於郊斂禮今至此載禮而入故知近郊也云告郊人使請反命於君者以其使者至所聘之國謂關人明此至郊告郊人使請可知引春秋者案閔二年公羊傳云鄭伯惡高克使之將逐而不納棄師之道也何休云使將師救衛隨後逐之彼無大夫文言大夫者鄭君加之也禳乃入注禳祭至災凶釋曰案春官小祝云掌侯禳禱祠之祝號鄭注云禳禳卻凶咎故鄭此云禳是祭名也乃入陳至皆否注皆否至從者釋曰云此幣使者及介所得於彼國君卿大夫之贈賜也者於君所得為公幣於卿大夫所為私幣賓之公幣有八郊勞幣一也禮賓幣二也致饗餼三也夫人歸禮幣四也侑食幣五也再饗幣六也夕幣七也贈賄幣八也此八者皆主君禮賜使者皆用束錦故曰公幣賓之私幣略有十九主國三卿五大夫皆一食有侑幣饗有酬幣皆用束錦則是十六有三卿郊贈則十九也其上介公幣則有五致饗餼一也夫人致禮幣二也侑食幣三也饗酬幣四也郊贈幣五也降於賓者以其上介無郊贈幣又無禮賓幣又闕一饗幣故賓八上介五也上介私幣有十一主國三卿五大夫或饗或食不備要有其一則

其幣八也又三卿皆有郊贈如其面幣通前則十一也主國下大夫嘗使已國者聘亦有幣及之則亦有報幣之事其數不定士介四人直有郊贈報私幣主國卿大夫報士介私面士介私幣數不甚明云禮於君者不陳者謂賄用束紡禮用束帛乘皮不陳之者以經云公幣又云上介公幣他介皆否若禮於君者一統於賓不得云介之幣故知禮於君者不陳必禮於君不陳禮於已始陳者以其禮於君者是其正故不陳之禮於已者以其榮故陳之是以下注云不加於其皮上榮其多是其義也若然聘君以幣問卿而其卿不見報聘君之幣者以其尊卑不敵若報之嫌其敵體故也 注不加至多也 釋曰此決初夕幣時束帛皆加于左皮上今不言加於皮上者若加於皮上相掩蔽故不加於皮上榮其多也 公南鄉 注亦宰至南鄉 釋曰比陳幣當如初夕幣之時管人布幕于寢門外使者北面衆介立于其左東上卿大夫在幕東西面北上宰告於君君朝服出門左南鄉是以鄭此注亦依夕幣而言之 卿進至其左 注此主至東上 釋曰案上行聘禮之時上介屈纁授賓賓襲受之今此賓執圭垂纁賓則裼變於賓彼國致命時也

上介執璋屈纁者變於賓故也必變之者反命致敬少於鄰國致命時故賓於君前裼見美爲敬也云士介亦隨入並立東上者此言亦者亦初行受于朝時君使卿進使者入衆介隨入北面東上此中雖不云士介入明亦隨入可知 反命至再拜 注君亦至尊命 釋曰云君亦揖使者進之乃進反命也者亦謂亦受命於朝位立定時君揖使者乃進受命明反命亦然某君某國名者若云鄭國君齊國君云某宮若言相宮僖宮者左傳有相宮之楹宮是廟名其受聘享於廟故以宮言之但受聘享在大祖廟不在親廟四而云相宮僖宮者略舉廟名而言也 宰自公左受玉 注亦於至便也 釋曰此言亦者亦於出使初受圭時宰自公左授使者圭同面注云北面並授之凡並授者授由其右受由其左此中受由其右者因東藏之便故鄭云不右使者由便也受上至如之 注變反至略之 釋曰云變反言致者若云非君命也者君與夫人聘於鄰國君與夫人各有所當聘鄰國君受命於君今使者還反命於君聘於鄰國夫人當受命於夫人使者還反命於夫人但婦人無外事雖聘夫人亦君命之今使還反命不云反命於君變反言

致命者若卒非君命猶夫人之命然故變反言致也若然婦人既無外事而承君命聘鄰國夫人者以其夫婦一體共事社稷故下記云君以社稷故在寡小君拜是賓至相對之辭也云致命曰已下聘夫人反命無文此鄭君依記上文反命於君之辭而言之云不言受幣於其宮可知略之者以其夫人受聘享皆因君聘享同時同宮故略之也 執賄至授宰 注某子至外也 釋曰此賄幣者即上文賄用束紡是也云某子若言高子國子者案閔公二年冬經書齊高子來盟僖三十二年經書齊國歸父來聘左傳曰國子為政齊猶有禮者是也云凡使者所當以告君者上介取以授之者以上受上介璋是上介授賓明其餘皆上介取以授之云賄幣在外者以其上文云禮於君者不陳此賄幣即是禮於君前明在外也 禮玉亦如之 注亦執至皮也 釋曰此即上云禮玉束帛乘皮鄭注云禮禮聘君也所以報享也云亦執束帛加璧也者言亦亦上文行享時束帛加璧者也云宰受之士隨自後左士介受乘皮者此約初行享之時公側授宰幣士受皮皆自後右客今執享皮幣玉宰受之可知言宰受之士隨自後隨宰自後謂自士介後其

在東上者不須云自後其餘三人皆後乃得左之必左士介者取向東藏之便故也云上介出取玉束帛士介從取皮也者此亦初享之時賓奉束帛加璧是上介取以授賓明士介從取皮可知 注禮幣至於贈釋曰云禮幣主國君初禮賓之幣也者謂從郊勞已後至於贈賄八度禮賓皆有幣是自郊勞為初也云以盡言賜禮謂自此至於贈者此則郊勞也 授上至再拜 注授上至陳之 釋曰云不授宰者當復陳之者此幣皆先陳之今賓執以告君賓釋辭君曰勤勞使於四方故授上介幣當拜答君言此幣不授與宰者當復陳之於本處此幣入於已者故不授宰也上賄幣禮君者反命訖皆授宰故以此決之 若有至賜也 注言此至孝也 釋曰此獻物謂入賓者故下記云既覲賓若私獻奉獻將命注云時有珍異之物或賓奉之猶以君命致之則是賓亦言有私獻於彼君則彼君亦有私獻報賓則此獻者也云大夫出反必獻忠孝也者案下曲禮云大夫私行出疆必請反必有獻彼私行出疆反必有獻此以公聘出疆反亦有獻故云大夫出反必獻此以入已之物獻於君 忠孝也事君言忠事父言孝此獻君忠也而兼言孝者

忠臣出孝子... 門故連言孝也 君其以賜乎 注不必至已也 釋

曰言君其以賜乎者大夫所獻之物謙不必當君所須此物君其以賜臣下乎言乎者或當君意或不當君意故言乎以疑之云不拜者為君之答已也者士拜國君國君不拜士賤故也大夫拜國君國君即答拜大夫尊故也故云不拜者為君之答已拜若然自反命以求盡於賜禮之等或拜或不拜無答已之嫌獨此不拜為君之答已者自此以前皆是彼國報君之物賓直告事而已君受之而無言故賓不拜君有言及己者乃拜之拜君言也此獻是彼國君賜與己理須拜送是以玉藻云凡獻於君大夫使宰士親皆再拜稽首送之又郊特牲云大夫有獻弗親不面拜為君之答已亦此類故鄭云獻不拜者為君之答已若然玉藻不親此親者此因反命故親獻也 注士介至賤也 釋曰鄭知旅答士介共一拜者君勞上介上介再拜稽首君答拜不言再拜則君答上介一拜矣勞士亦如之不言皆則摠答一拜矣勞賓君答再拜勞上介君答一拜對賓再拜已是賤矣今此士介四人共答一拜故云又賤也此一拜答臣下則周禮大祝辨九拜七曰奇拜是也是以彼注云一拜答

臣下也案曲禮云君於士不答拜此君答拜者以其新行反命君勞苦之故答拜異於常也 君使至稽首 注以所至授之 釋曰云禮臣子人賜之而必獻之君父不敢自私服也君父因以予之則拜受之如更受賜也者案內則云婦或賜之衣服則受而獻諸舅姑舅姑受之則喜若反賜之則辭不得命如更受賜臣子於君父亦然言此者證此經君使宰以所獻之物反賜使者使者辭不得命再拜稽首受之如更受賜云既拜宰即以上幣授之者以其上文云執禮幣授上介者是執上幣不執下幣明知宰所執授之者是上幣可知 乃退 注君揖入皆出去 釋曰知君揖入皆出去者初賓將行君前受命訖君揖入揖皆出去故知此君退者亦反命訖賓介出可知 介皆至之門 注將

行至禮也 釋曰云將行俟於門是出之禮初行之時介皆至賓門俟賓同行今行反又送至于門是入之禮故云與尊長出入之禮 注再拜上介三拜士介 釋曰上介是大夫與已同類故知再拜士卑與已異類各一拜故言三拜士介 釋幣于門 注門大至見也 釋曰自此盡亦如之論賓上介使還禮門神及奠於禰之事知門是大門者以

義九疏二十三

其從外來先至大門即禮門神故知門是大門也案特牲筮時云席於門中闌西闕外故知此亦席于闌西闕外知東面者神居東面為正故也云設洗于門外東方者以其廟在學設洗皆云洗當東榮故在門外亦在東方也云其餘如初于禰時者初出亦釋幣於行不如之者以其初出於廟禮文具設于行其文略故此云如禰時也言知者謂釋幣於祝先入已下埋于西階東是也云出于行入于門不兩告告所以先見也者出時自廟出先見行即告行入時先見門故告門出入皆告一故云不兩告也 乃至至脯醢 注告反也薦進也 釋曰云筮几于室者還以特牲少牢司宮設席于奧東面右几但無牲牢進脯醢而已以告祭非常故也 觴酒陳 注主人至入也 釋曰云言陳者將復有次也者但云主人一獻當言奠今不言奠而言陳者以其下仍有室老及士獻以備三獻故言陳陳有次第之言以其三時次第皆列于坐者也云先薦後酌祭禮也者以其特牲少牢皆先薦饌乃後獻奠于鉶南北與彼同故云先薦後酌祭禮也云行釋幣反釋奠略出謹入也者必略出謹入者出時以禱祈入時以祠報故不同也 席于阼 注為酢至於

祭 釋曰鄭知祝取爵酌者案特牲少牢尸酢人祝取爵以酢也但此無尸為異也不酢於室異於祭者此決特牲少牢皆於室內尸東西面受酢此乃於外行來告反故在阼不在室知與正祭異也又於正祭時有尸尸飲卒爵以尸爵酢主人此吉祭無尸 爵兼奠故別取爵以酢主人亦異也 薦脯醢 注成酢禮也 釋曰此奠謂若特牲少牢主人受酢時皆席于尸內有薦俎此雖無俎亦薦脯醢于主人之前以成酢禮也 三獻 注室老至自酢也 釋曰鄭注喪服云室老家相士邑宰知無主婦而取士者以其自外來主於告反即釋奠於禰廟故知主婦不與而取士備三獻必知有室老與士者以其前大夫致饗餼於賓時使老牽牛以致之鄭注云皆大夫之貴臣故知此亦貴臣為獻也云每獻奠輒取爵酌者此通三獻皆獻奠訖別取爵自酢故云輒取爵酌也別云主人自酢者對正祭有尸三獻皆獻尸訖尸酢主人主婦賓長今此無尸皆自酢獨云主人者主人為首正故舉前以包後 一人舉爵 注三獻至舉也 釋曰云三獻禮成者大夫士家祭三獻特牲少牢禮是也云更起酒者此欲獻酬從者不得酌神之尊是以特牲

行酬時設尊兩壺於阼階東西亦如之鄭注云謂酬及兄弟則此亦當然故知別取酒也云主人奠之未舉者以其下文云獻從者乃云行酬似鄉飲酒鄉射一人舉觶未舉待獻介衆賓後乃行酬亦然也獻從者注從老至君也釋曰知非飲於上者案特牲禮獻衆賓及兄弟之等皆非飲於西階上故此獻從者亦於階上可知云不使人獻之避國君者若正祭雖國君亦自獻故祭統云尸飲五丑洗玉爵獻即尸飲七君洗瑤爵獻大夫之等若然則告祭非常今獻從者從燕法二燕禮使宰夫爲獻主是國君不親獻此大夫親獻故云避國君也注室老亦與釋曰知者案燕禮使者勞者在者亦與故知此室老亦與不言士者文不具亦與可知聘遭喪入竟則遂也注遭喪至則反釋曰自此盡卒殯乃歸上陳吉行聘之事此以下論或遭主國君喪或聘君薨於後或使者與介身卒安不忘危故見此非常之事從此盡練冠以受論主國君或夫人薨或世子死行變禮之事云以國爲體者謂公羊傳宗人執鄭祭仲使之逐忽而立突仲以逐忽則國存不逐則國滅故逐忽而立突是以國爲體但聘君主以聘國故君雖薨而遂入關

人未告則反者聘使至關乃謁關人關人入告君君知乃使士請事已入關自然入矣若關人未告君君不知使者又未入聞主國君死理當反矣不郊勞注子未君也釋曰案文公八年天王崩九年毛伯來求金公羊傳曰何以不稱使當喪未君也踰年矣何以謂之未君即位矣而未稱王也未稱王何以知其即位以諸侯踰年即位亦知天子之踰年即位也以天子三年然後稱王亦知諸侯於其封內三年稱子若然云子未君公羊傳文但彼據踰年即位後此據新遭父喪引之者以其同是子未君故也不筵几注致命至神之釋曰不筵几致命不於廟決正聘設几筵也就尸柩於殯宮者國君雖以國爲體主聘其國但聘亦爲兩君相好今君薨當就尸柩故不就袒廟也云又不神之者以其鬼神所在日廟則殯宮亦得爲廟則設几筵亦可矣但始死不忍異於生不神之故於殯傍無几筵也曾子問云君薨世子生告殯殯東有几筵者鄭云明繼體也然則尋常則殯東不設几筵當在室內矣不禮賓注喪降事也釋曰云不禮者謂既行聘享訖不以禮酒禮賓也主人畢歸禮注賓所至饗食釋曰知禮中兼有饗

食者主人有故雖饗食亦有生致法故主人亦歸之下文云賓唯饗  
餼之受明本并饗食亦歸賓乃就中受饗餼若本不歸饗食空歸饗餼  
何頓云饗餼之受明其時并致饗食也 賓唯饗餼之受 注受正不  
受加也 釋曰饗餼大禮是其正自饗食之等是其加也 不賄不禮  
玉不賄 注喪殺禮為之不備 釋曰云不賄者皆據上文謂不以束  
紼不禮玉者謂不以束帛乘皮以報享不賄者賓出至郊不以物贈之  
也 遭夫至君喪 注夫人至所降 釋曰云夫人世子死君為喪主  
者案禮記服問云君所主夫人妻大子適婦鄭注云言妻見大夫以下  
亦為此三人為喪主也故云君為喪主既為喪主是以使大夫受聘禮  
不以凶接吉也云其他謂禮所降者謂不禮以下不賄以上皆闕之  
遭喪至以受 注遭喪至義也 釋曰此經摠說上三人死主君不得  
受命故使將命於大夫主人即大夫故鄭云此三者皆大夫攝主人也  
云長衣素純布衣者此長衣則與深衣同布但袖長素純為異故云長  
衣素純布衣也此長衣之緣以素為之故云素純也去衰易冠者謂脫  
去鞞衰之服而著長衣脫去六外九外之冠而著練冠故云去衰易冠

此喪服記疏文誤入於此  
而本篇疏脫二百九十三字

也云不以純凶接純吉者聘禮是純吉禮為君三升衰裳六升冠為  
人世淺絳也者對二入為纁為淺絳云一染謂之纁者爾雅文案彼云  
一染謂之纁再染謂之纁三染謂之纁也云纁緣三年練之受飾也知  
者引檀弓云練衣黃裏纁緣注云練中衣以黃為內纁為飾為中衣之  
飾據重服三年變服後為中衣之飾也此公子為母在五服外輕故將  
為人初死深衣之飾輕重有異故不同也云諸侯之妾子厭於父為母  
不得申權為制此服不奪其恩也者諸侯尊絕其已下無服公子被厭  
不合為母服不奪其母子之恩故五服外權為制此服必服麻衣纁緣  
者麻衣大祥受服纁緣練之受飾雖被抑猶容有三年之哀故也云為  
妻纁冠葛經帶妻輕者以纁布為冠對母用練冠以葛見葬後受服而  
為經帶對母用麻皆是為妻輕故也 傳曰至不服也 注君之至而  
葬 釋曰傳發問者恠親母與妻其服大輕故問之答云君之所不服  
者以尊降諸侯絕旁暮向來所釋皆是主君始薨假令君薨踰年嗣子  
即位鄰國朝聘依吉禮受之於廟故成十七年經書邾子釁且卒十八  
年邾宣公來朝傳云即位而來見踰年可以朝他國也國來朝亦得以

吉禮受之於廟矣雖踰年而葬則不得朝人人來朝已亦使人受之於廟於夫人世子亦然以其本為死者來故也 聘君至則遂 注既接於主國君也 釋曰自此盡唯稍受之論聘者遭已君之喪行非常之禮事云接於主國者謂謁關人關人告君君使士請事是接於主國矣故入境則遂也 赴者至于館 注未至至作計 釋曰未至謂赴告主國君者也以其本國遭喪赴者有兩使一使告聘者一使告主國云未可為位者以其赴主國之使未至是以未可為位受人吊禮云哀于館未可以凶服出見人者對下經赴者至則衰而出云其聘享之事自若吉者下云受饗餼之禮故知先行聘享乃後受禮以其主國未得赴告故自若吉也 受禮 注受饗餼也 釋曰上文遭主國之喪賓唯饗餼之受受禮亦饗餼之禮 不受饗食 注亦不受加 釋曰上文遭主國之喪云唯饗餼之受注云受正不受加也加即此饗食也故此云亦不受加也 赴者至而出 注禮為至事也 釋曰云禮為鄰國闕者案襄二十三年春秋左氏傳云祀孝公卒晉悼夫人喪之平公不徹樂非禮也禮為鄰國闕服注云鄰國尚為之闕樂况舅甥之親乎

君然赴者至主國君使者衰而出則主國可以闕樂云於是可以凶服將事者謂主人所歸禮則賓可以凶服受之其行聘享則著吉服矣故雜記云執玉不麻是也 唯稍受之 注稍稟食也 釋曰禮君行師從鄉行旅從從者既多不可闕於稍食案周禮每云稍事皆謂米稟以其稍稍給之故謂米稟為稍 歸執至外堂 注復命至同 釋曰自此盡即位踊論使者喪還執圭還國復命之事云臣子之於君父存亡同者案禮記奔父母之喪外自西階此復命於殯亦外自西階法生時出必告反必面故云君子於君父存亡同也 子即位不哭 注將有至哭位 釋曰云不言世子者君薨也者案公羊傳君存稱世子君薨稱子其既葬稱子踰年稱君案上文稱世子此文單稱子是知其君薨故君不稱其而與此既葬同號者以其既不得稱世子略云子而已故不言其其實正法稱子其是以雜記在殯待鄰國之使皆稱某云諸臣待之亦皆如朝夕哭位者但君子一列上下文唯言子不言羣臣與子同知如朝夕哭位者案奔喪云奔父之喪在家者待之皆如朝夕哭位故知此亦然 辯復命如聘 注自陳至無勞 釋曰言辯復命

如聘者上文君存時使者復命自陳公幣已下至賜告之等今復命於殯所亦盡陳之故言辯知無勞者勞主君出命今君薨不可代君出命故知無勞也 子臣皆哭 注使者至皆哭 釋曰此據子在泣哭亦兼羣臣故鄭云子與羣臣皆哭 與介入北鄉哭 注北鄉至朝夕 釋曰使者升階復命訖不見出文而言與介入者以其復命之時介在幣南北面去殯遠復命訖除去幣賓更與介前入近殯北鄉哭鄉內為入故言與介入北鄉哭也云北鄉哭新至別於朝夕者朝夕哭位在阼階下西面今於殯前北鄉故云別於朝夕也 出袒括髮 注悲哀變於外臣也 釋曰案奔喪云至於家入門左外自西階東面哭括髮袒於殯東是於內者子故也此使者出門袒括髮變於外者臣故也 入門右即位踊 注從臣至喪禮 釋曰案奔喪云袒括髮於西階東即位踊襲經於序東此門外袒括髮入門右即位踊亦當襲經於序東故鄭云自哭至踊如奔喪禮也 若有至饗食 注私喪至不反 釋曰自此盡從之論使者有父母之喪行變禮之事云不敢以私喪自聞于國者解哭于館又云凶服于君之吉使者亦取不敢解之言襄而居

謂服衰居館行聘享即皮弁吉服故不敢凶服于君之吉使也引春秋傳者案宣八年經書夏六月公子遂如齊至黃乃復公羊傳云其言至黃乃復何有疾也何言乎有疾乃復譏何譏爾大夫以君命出聞喪徐行而不反何氏注聞大喪而不反重君命也徐行者為君當使人追代之以喪喻疾者喪猶不還而況疾乎是也以此言之使雖未出國境聞父母之喪遂行不敢以私廢王事君使人代之可也以此言之明至彼所使之國雖聞父母之喪不反可知是以哭于館衰而居 歸使至從之 注已有至深衣 釋曰云已有齊斬之服者以其私喪之內有為父斬為母齊衰故齊斬並言之也云不忍顯然趨於往來者解經並使衆介先衰而從之意經云歸據反國時兼云往者鄭意去時聞父母之喪不敢即反亦使衆介先衰而從之故往來並言云在道路使介居前者謂去向彼國時云歸又請反命已猶徐行隨之者此謂還國至近郊使人請反命君許入猶使介居前徐行於後隨介至國也云君納之乃朝服者以其行聘之時猶不以凶服于君之吉使而服吉服知此反命時亦不以凶服于君之吉使而服朝服如吉時反命矣云出公門釋服

哭而歸者案雜記云大夫士將與祭於公既視濯而父母死則猶是與祭也次於異宮既祭釋服出公門外哭而歸亦云其它如奔喪之禮明此亦出公門釋朝服而歸但彼祭服不可著出故門內釋服此朝服可以著出門乃釋服為異也云其他如奔喪之禮者案奔喪云至於家人門左升自西階殯東西面坐哭盡哀括髮袒降堂東即位西鄉哭成踊龍衣經于序東絞帶反位拜賓成踊送賓反位有賓後至者則拜之成踊送賓皆如初衆主人兄弟皆出門出門哭止闔門相者告就次於又哭括髮袒成踊於三哭猶括髮袒成踊三日成服拜賓送賓皆如初云吉時道路深衣者以其朝服之下唯有深衣庶人之常服既以朝服反命出門去朝服還服吉時深衣三日成服乃去之

儀禮疏卷第二十三

儀禮疏卷第二十四

唐朝散大夫行太學博士弘文館學士臣賈公彥 傳撰

賓入至而殯

注具謂至當用

釋曰自此盡卒殯乃歸論賓介死之

事云賓入境而死遂也者若未入境即反來云主人為之具而殯者謂從始死至殯所當用者主人皆供之鄭云具謂始死至殯所當用直云至殯所當用明不殯於館取其至殯節主人供喪具以其大斂訖即殯故連言殯故下文歸介復命之時柩止門外明斂於棺而已 介攝其命 注為致至聞命 釋曰云初時上介接聞命者鄭解介得代賓致命之意以其命出於君初賓受命於君之時賓介同北面介接聞君命矣以是今賓死得攝其命 君弔介為主人 注雖有至尊也 釋曰古者賓聘家臣適子皆從行是以延陵季子聘於齊其子死葬於贏博之間故鄭云雖有臣子親因猶不為主人以其介尊故也 主人至以用 注當中至賓禮 釋曰賓既死主人所歸禮與幣必以當喪者之用云當中奠贈者解經中小斂大斂之用云當中奠贈諸喪具之用者具謂襲與小斂大斂解經幣云不必如賓禮者不必如致殮饗之禮

束紡皮帛之類不堪喪者之用故也 介受賓禮無辭也 注介受至

辭之 釋曰云介受王國賓已之禮者謂公幣私幣之屬故鄭云當陳

之以反命也言無辭者雖無三辭以其賓受饗餼之時禮辭受食三辭

明介亦有禮辭云無所辭也者以有賓喪嫌介有三辭故云介受賓禮

無辭也 不饗食 釋曰案上遭君喪受饗餼不受饗食鄭云平正下

受加此云不饗食介不就君受饗食明受饗餼正禮也 歸介至門外

注門外至忠心 釋曰知門外是大門外者國君有三門臯應路又有

三朝內朝在路寢庭正朝在路門外應門外無朝外朝當在臯門外經

直云止於門外無入門之言明知止於大門外外朝之上是以上賓拜

賜皆云於門外亦在外朝矣故鄭云必以柩造朝達其忠心也 介卒

至卒殯 注卒殯成節乃去 釋曰當介復命之時賓之尸柩在外朝

上介卒復命謂復命訖出君大門奉賓之柩送至賓之家屍柩入殯於

兩楹之間君往就弔卒殯者謂殯訖殯是喪之大節故云卒殯成節乃

去謂君與大夫盡去 若大至如之 注不言至士也 釋曰云不言

上介者小聘上介士也者案經大夫介卒據大聘上介是大夫而言介

即以經不言上介則大夫介卒中兼有聘使大夫其卒亦如之故鄭

不言上介小聘上介士也欲兼見小聘之法也若小聘上介末介皆

則入下文士介死中以其下文更不見小聘賓介死法故此兼言之也

注不具至服也 釋曰以其士介卑其禮降於賓與上介非直具棺他

衣物亦具之此士介直具棺不具他物也其士介從者自用時服斂之

君不弔焉 注王國至親往 釋曰云王國君使人弔不親往者對上

經賓死君弔介為王人此士云不弔者明不親弔使人弔之可知也

若賓至將命 注未將至君命 釋曰前云賓入境而死謂在路死未

至國此經更說賓至朝侯間之後使大夫致館未行聘享而賓在館死

之事故鄭云侯間之後是以鄭云以柩造朝以其既至朝志在達君命

則知上國外死不以柩造朝可知 小聘至郊勞 注記賤至覲也

釋曰自此盡三介論侯伯行小聘之事云不享者謂不以束帛加璧獻

國所有云不禮者聘訖不以齊酒禮賓面不外者謂私覲庭中受之不

外堂此對大聘外堂受若然不言私覲而言面者對大聘言覲故辟之

而言面也 其禮至三介 注如為至上介 釋曰云其禮如為介者

謂特問使大夫得王國之禮多少如大聘卿此大夫爲上介之時即上  
文介之禮殮饗餼之食燕之等三介者大夫降於卿二等故也舉此侯  
伯之小聘則公之臣子男之臣小聘禮數其義可知也 記久至聘爲  
注事謂盟會之屬 釋曰此云久無事則聘焉者則周禮躬聘也是以  
周禮大行人云凡諸侯之邦交歲相問也躬相聘也世相朝也注云小  
聘曰問躬中也久無事又於躬朝者及而相聘也云事謂盟會之屬者  
案春秋有事而會不協而盟是以春秋有會而不盟盟必因會若有盟  
會相見故云久無事則聘焉 若有至於方 注故謂至板也 釋曰  
云故謂災患及時相告請者此即上經云若有言一也言災患上注引  
春秋臧孫辰告糴于齊公子遂如楚乞師此云及時事者即上注引春  
秋晉侯使韓穿來言汶陽之田是也云名書文今謂之字者鄭注論語  
亦云古者曰名今世曰字許氏說文亦然言此者欲見經云名名者即  
今之文字也云策簡方板也者簡謂據一片而言策見編連之稱是以  
左傳云南史氏執簡以往是簡者未編之稱此經云百名以上書之於  
策是其衆簡相連之名鄭作論語序云易詩書禮樂春秋策皆尺二寸

策經謙半之論語八寸策者三分居一又謙焉是其策之長短鄭注尚  
書三十字一簡之文服虔注左氏云古文篆書一簡八分字是一簡容  
字多少者云方板者以其百名以下書之於方若今之祝板不假連編  
之策一板書盡故言方板也 王人至門外 注受其至壘之 釋曰  
云既聘享賓出而讀之者上經云若有言則以束帛如享禮文承聘享  
之後故知此讀諸門外故云既聘享也鄭知人是內史者案內史職云  
凡四方之事書內史讀之此云使人與客讀諸門外者亦是四方事書  
故知人是內史也知書必壘之者案襄二十九年左傳云公如楚還及  
方城季武子取卞使公冶問壘書追而與之故知此書亦壘之也 客  
將至于館 注爲書報也 釋曰此爲書報上有故之事彼以束帛加  
書將命此亦以束帛加書反命于館 明日君館之 注既報至疾也  
釋曰爲昨日爲書報之今日君始就館送客者書問之道尚疾故也必  
須尚疾者以其所報告請多是密事是以鄭云既報館之書問尚疾也  
既受至之資 注資行至作齋 釋曰使者受命於君但知出聘不知  
遠近故云古者君臣謀密草創未知所之遠近故問宰行糧多少即知

遠近也故知須問之 使者至同位 注謂前至臣也 釋曰云既受  
行日者謂已受命日夕幣之前使者及介朝君之時皆同位北面東上  
在朝處臣東方西面北上故鄭云同位者北面介立于左少退以別處  
臣也 出祖至其側 注祖始至作祓 釋曰云既受聘享之禮行出  
國門止陳車騎釋酒脯之奠於較者凡道路之神有二在國內釋幣於  
行者謂平敵道路之神出國門釋奠於較者謂山行道路之神是以委  
土爲山象國中不得較名國外即得較稱引詩傳曰者證較祭道路之  
神也引春秋傳曰者案襄二十八年左氏傳子大叔云較涉山川蒙犯  
霜露引之者證較是山行之名涉者水行之稱故鄭詩云大夫較涉我  
心則憂毛傳云草行曰較水行曰涉云是以委土爲山者案月令冬祀  
行鄭注行廟門外之西爲較壤厚二寸廣五尺輪四尺祀行之禮北面  
設主於較上國外祀山行之神爲較壤大小與之同鄭注夏官大馭云  
封土爲山象以菩芻棘柏爲神主既祭之以車轡之而去喻無險難也  
云或伏性其上者案周禮大人云掌犬牲凡祭祀供犬牲用牲物伏瘞  
亦如之鄭注云伏謂伏犬以王車轡之故知有伏牲其上云使者爲較

祭酒脯祈告者也案周禮大馭掌馭玉路以祀及犯較玉自左馭馭下  
祝登受轡彼天子禮便馭祭此大夫禮故使者自祭犯較而去云卿大  
夫處者於是餞之者案詩云飲餞于禰是處者送行人而飲酒名曰餞  
也云遂行舍于郊者即上經云舍于近郊是也云其有牲犬羊可者犬  
人職云伏瘞亦如之是用犬也詩云取羝以較是用羊也是犬羊各用  
其一未必並用之言可者人君有牲大夫無牲直用酒脯若然此見出  
行時祭較案韓奕詩云韓侯出祖出宿于屠顯父餞之清酒百壺是韓  
侯入覲天子出京城爲祖道又左氏傳鄭忽逆婦媯于陳先配而後祖  
陳鍼子曰是不爲夫婦誣其祖矣鄭志以祖謂祭道神是亦將還而後  
祖道此聘使還亦宜有祖但文不具 所以至自倉 注圭所至作璪  
釋曰云圭所執以爲瑞節者案周禮大宗伯云以玉作六瑞以等邦國  
又云王執鎮圭公執桓圭侯執信圭伯執躬圭子執穀璧男執蒲璧是  
以其圭爲瑞又案周禮掌節有玉節之節即是節與瑞別矣今此云瑞  
節但連言節者案節不得言瑞瑞亦是節信故連言節也云剡上象天  
圜地方也者下不剡象地方上剡象天圜案雜記贊大行曰博三寸厚

半寸剡上左右各寸半此經直剡上寸半不言左右文不具也凡圭天子鎮圭公栢圭侯信圭皆傳三寸厚半寸剡上左右各寸半唯長短依命數不同云雜采曰纁者凡言纁者皆象水草之文天子五采公侯伯三采子男二采皆是雜采也云以韋衣木板飾以三色再就者依漢禮器制度而知也但木板大小一如玉制然後以韋衣之大小一如其板經云三采六等注云三色再就者就即等也是一采爲再就三采即六等也是以鄭注典瑞云一帀爲一就典瑞云侯伯三采三就者以一采雖有再帀併爲一就覲禮注云朱白倉爲六色者亦是一采一帀爲二色三采故六色三采據公侯伯子男則二采故典瑞云子男皆二采再就是也所以薦玉重慎者玉者實而脆今以纁藉薦之是其重慎也問諸至八寸 注二采至相備 釋曰此諸侯使臣聘纁藉之等云二采再就者上云三采六等此二采不云四就者此臣禮與君禮異此二采雖與子男同子男即一采爲一帀二采爲再帀爲四等今臣一采爲一就二采共爲再就是二采當君一采之處是以典瑞云琢圭璋璧琮纁皆二采一就以覲聘亦是臣二采共當君一采一帀之處云降於矢

子者案典瑞王執鎮圭纁藉五采五就言五就者據一采爲一等若據一采一帀而言即五采十等此二采二等是降於天子也此亦降於諸侯而言降於天子者此鄭君指上文朝天子而言故言聘諸侯降於朝天子也云於天子曰朝者據上文所以朝天子是也則諸侯自相朝亦同圭與纁九寸侯伯以下亦依命數云於諸侯曰問者諸侯遣臣自問若遣臣問天子圭與纁亦八寸是以云記之於聘文互相備案玉人云琢圭璋八寸璧琮八寸以覲聘無所依據則於天子諸侯同言八寸者據上公之臣侯伯之臣則六寸子男之臣則四寸各降其君二等若然經言八寸者據上公之臣也 皆玄至絢組 注采成至作約 釋曰上文纁藉尊卑不同此之組繫尊卑一等云采成文曰絢鄭注論語文成章曰絢與此語異義同云繫無事則以繫玉因爲飾者無事謂在櫝之時亦以繫玉因爲飾此組繫亦名纁藉即上文反命之時使者執圭垂纁上介執璋屈纁又曲禮下云執玉其有藉者則裼無藉者則襲鄭注亦云藉纁也裼襲皆據有纁無纁之時是其因爲飾云皆用五采組者以其言絢絢是文章之名經又言皆復無尊卑之別故知皆

用五采組也云上以玄下以絳為地者以其皆用五采而經直云玄纁為地上加五采上下皆據垂之為上下必知上玄下絳者上玄以法天下絳以法地故也經云纁注云絳者爾雅三入赤汁為纁絳則赤也故本絳以解纁問大夫至皮馬注肆猶至為隸釋曰知載大夫幣是幣云肆馬云齋因其宜亦互文也者以其幣是財賄易可陳列故言肆不言齋亦付使者矣馬是難陳之物故直言齋亦付使者亦陳之是因其宜互文也注受命不受辭釋曰受命謂受君命聘於鄰國不受賓主對答之辭必不受辭者以其口及則言辭無定準以辭無常故不受之也注史謂策祝釋曰案周禮大史內史皆掌策書尚書金縢云史乃策祝是策書祝辭故辭多為文史辭曰至敢辭注辭不至不敢釋曰辭謂賓辭主人答謂賓答主人介則在旁曰非禮也敢故易旅卦初六云瑣瑣斯其所取災鄭云瑣瑣猶小小文互體民艮卜石卜小之象三為聘客初與二其介也介當以篤實之人為之而用小人瑣瑣然客主人為言不能辭曰非禮不能對曰非禮每者不能以禮行之

則其所以得罪是其義也 卿館至于商 注館者至而已 釋曰云館者必於廟案上歸饗餼云於廟明其禮皆在廟可知云不館於敵者之廟為大尊也者以其在廟尊則尊矣故就降等而已若又在敵者之廟以上是其大尊云自官師以上有廟有寢者案祭法云適士二廟官師一廟鄭云官師謂中士下士是其官師有廟知廟有寢案周禮隸僕云掌五寢之埽除鄭注云五寢五廟之寢天子七廟唯桃無寢詩云寢廟奕奕相連之貌故左傳云大叔之廟在道南其寢在道北是其前曰廟後曰寢工商則寢而已者案爾雅釋宮云室有東西廂曰廟注云夾室前堂又云無東西廂有室曰寢注云但有中室是其自士以上有廟者必有寢庶人在官者工商之等有寢者則無廟故祭法云庶士庶人無廟祭於寢是也 殮不致 注不以至具輕 釋曰君不以束帛致命者對饗餼以束帛致之此不以束帛致饗餼次饌具輕者以其客始至則致之故言草次也對聘曰致饗餼生死俱有禮物又多為饋故以此物為輕而不致 賓不拜 注以不致命 釋曰云拜者宰夫朝服設食賓無拜受之文以其不以束帛致故也 沐浴而食之 注自絜至

可知 釋曰云記此重者沐浴可知者以其食禮輕尚沐浴而食饗餼  
食重者沐浴而食可知 卿大至有訝 注卿使至護客 釋曰云卿  
大夫訝者謂大聘使卿主人使大夫迎士訝者小聘使大夫主人使士  
迎言皆有訝者自介已下皆迎之云卿使者大夫上介士衆介也者據  
此篇是侯伯之卿大聘而言其實小聘使大夫亦使士迎之所迎者謂  
初行聘及饗食燕皆迎之故鄭君無所止定 賓即館訝將公命 注  
使已迎待之命 釋曰案秋官掌訝職云賓入館次于舍門外待事于  
客注云次如今官府門外更衣處待事于客通其所求索彼謂天子有  
掌訝之官共承客禮比諸侯使無掌訝是以還遣所使大夫士訝將公  
命有事通傳于君 又見之以其摯 注又復至執雉 釋曰云復以  
私禮見者訝將舍於賓館之外宜相親也者禮掌訝舍于賓之館門外  
此大夫士君使爲訝雖非掌訝之官亦爲次舍于賓之館外宜相親故  
執摯以相見大夫訝者執鴈士訝者執雉案士相見及大宗伯文也  
賓既至其摯 注既已至其訝 釋曰云以公事聘享問大夫者此並  
行君物享王國君及問大夫故云公事也云復報也者有報訝者以摯

私見已今還以摯私報之知使者及上介同執鴈不執羔者見上文主  
國卿大夫勞賓同執鴈則知此使者及上介同執鴈可知各以見其訝  
者謂使者見大夫之訝者上介見士之訝者士介亦見士訝者 凡四  
至可也 注言國至璧琮 釋曰案周禮大宗伯云以玉作六瑞玉執  
鎮圭公執桓圭以下人執之曰瑞又云以玉作六器以禮天地四方謂  
禮神曰器此四者人所執不言瑞而言器者對文執之曰瑞禮神曰器  
散文則通雖執之亦曰器是以尚書云五器卒乃復與此文皆稱器云  
言四國獨此以爲寶者案周禮天府職凡邦國之玉鎮大寶器藏焉注  
云玉鎮大寶器玉瑞玉器之美者是其玉稱寶云四器謂圭璋璧琮者  
是據上經圭璋以行聘璧琮以行享而言此據公侯伯之使者用圭璋璧琮若子男  
使者聘用璧琮享用琥璜 宗人至之次 注王國至常處 釋曰王國門外以  
其行朝聘陳賓介皆在大門外故次亦在大門外可知云諸侯及卿大夫之使  
者次位皆有常處者以其上公九十步侯伯七十步子男五十步使其  
臣聘使大聘小聘又各降二等其次皆依其步數就西方而置之未行  
禮之時至於次中至將行禮賓乃出次凡爲次君次在前臣次在後故

云少退於君之次故云皆有常處 上介至授賓 注慎之至不克  
 釋曰此謂當將聘於主君廟門外上介屈縹以授賓賓襲受之節引曲  
 禮者彼器即此玉欲證執玉如重之義也 賓入至志趨 注皇自至  
 作王 釋曰賓入門皇謂未至堂時外堂讓謂外堂東面向主君之時  
 將授志趨謂賓執玉向楹將授玉之時念鄉入門在庭時執玉徐趨今  
 亦然若降堂後趨進翼如則疾趨也云讓謂舉手平衡也者謂若曲禮  
 云凡奉者當心下又云執天子之器則上衡注云謂高於心國君則  
 衡注云謂與心平則此亦執國君器也故引之為證引孔子之執圭者  
 鄉黨論孔子為君聘使法彼足跖跖如有循謂徐趨據入彼國廟門  
 執玉行步之時以足容重退之在降堂之下與此趨同故為證也 授  
 如至後退 注重失至後也 釋曰授謂就東楹授玉於主君時如與  
 人爭承取物恐失墜云下如送君還而後退者以上文次言之此下如  
 送者止謂聘享每訖君實不送而賓之敬如君送然故云下如送也至  
 迴還賓則退出廟門更行後事非謂賓出大門也 下階至又趨 注  
 發氣至如也 釋曰云下階發氣怡焉者即論語云出降一等逞顏色

怡怡如也云再三舉足自安定乃復趨也者謂降時再三舉足故趨  
 邁翼如也云發氣舍息者以將授玉屏氣似不息今既授玉降階縱舍  
 其氣怡然和悅也云至此舉足則志趨卷趨而行也者是釋志趨為徐  
 趨此舉足為疾趨也 及門正焉 注容色至威儀 釋曰此謂聘  
 將更有享而出門時云心變見於威儀者以其貌從心起觀威儀首禮  
 福靚貌可以知心故也 執圭至失之 注記異說也 釋曰亦謂將  
 聘執圭入廟門時云鞠躬焉則鞠躬如也如恐失之者即執輕如不克  
 也云記異說者以上文已記執圭此又記執圭之儀以同記事而言有  
 差異人記事說有不同也 及享至盈容 注發舍至容色 釋曰云  
 及享發氣焉盈容者即孔子行享禮有容色一也故注引為證也此發  
 氣即上注云舍息一也 眾介北面踰焉 注容貌舒揚 釋曰此謂  
 賓行聘眾介從入門左北面曲禮云大夫濟濟士踰踰鄭云皆行容止  
 之貌故此注亦云容貌舒揚也但彼大夫云濟濟諸侯云皇皇上文賓  
 入門皇得與諸侯同者以其執君圭璋志在重玉故行容得與君同若  
 尋常行則大夫濟濟也 私覲愉愉焉 注容貌和敬 釋曰上文享

時盈容對聘時儀貌戰色顏舒緩此私覲對享時又愉愉和舒舒於盈也 出如舒鴈 注威儀至鴈鵞 釋曰此出廟門之外行步如鵞又舒緩於愉愉也云舒鴈鵞者爾雅釋鳥文 皇且至主慎 注復記執玉異說 釋曰上巳二度記執玉行步之法今又云皇且行是別有人更記此執玉行法故云復記執玉異說也 凡庭至可也 注隨入至作干 釋曰云左先者以皮馬以四為禮北面以西頭為上故左先入陳也云君子不以所無為禮者案禮器云天不生地不養君子不以為禮言當國有馬而無虎豹皮則用馬或有虎豹皮并有馬則以皮為王而用皮也云畜獸同類可以相代者畜謂馬獸謂虎豹爾雅釋云在野曰獸云同類者爾雅又云二足而羽謂之禽四足而毛謂之獸若然則馬畜亦是四足之類故云同類可以相代也 賓之至皆東 注馬出至內府 釋曰云馬出當從廐也者若有皮之國用皮則不出亦從餘物東藏也知東藏之內府者案天官內府職云凡四方之幣獻之金玉齒革兵器凡良貨賄入焉注云諸侯朝聘所獻國珍彼天子禮諸侯亦當有內府諸侯自朝聘其貢獻珍異亦入內府故注儀之

也多貨則傷于德 注貨天至為德 釋曰此經主論聘享所用圭璋璧琮不得過多之事也云貨天地所化生謂玉也者鄭注周禮九職亦云金玉曰貨布帛曰賄故此注云貨天地所化生謂玉也下注云幣人所造成幣則布帛曰賄對金玉是自然之物也云君子於玉比德焉者聘義文云重禮也亦聘義文云多之則是王於貨傷敗其為德者以玉比德故司聘用之相厲以德不取重寶珍美之意若多之則是主於貨物不取相厲以德是傷敗其為德是以圭璧聘享主國君璋琮聘享主國夫人各用一而已也 幣美則沒禮 注幣人至見也 釋曰此主論享時用束帛故享君用束帛享夫人用束錦皆不得過美云幣人所造成以自覆幣謂束帛也者案禮記檀弓伯高之喪孔氏之使者未至冉子攝束帛乘馬而將之孔子曰異哉徒使我不誠於伯高鄭注云禮所以副忠信也忠信而無禮何傳乎是知自覆者覆忠信而已若更美則主意於財美而禮不見故沒禮也云愛之斯欲衣食之君子之情也者禮記檀弓云愛之斯錄之矣彼據愛父母而作重此亦微取彼文但此云愛之斯欲衣食之兼言食謂以幣欲之君子之情則忠信 賄在聘于賄 注賄財至作悔 釋曰鄭

轉于作為者欲就司儀之文為解故也云言主國禮賓者釋經賄是主國禮賓也云當視賓之聘禮者釋經在聘謂在賓聘財多少云而為之財也者釋經于賄也謂主人視賓多少為財賄報賓云若苟豐之是又傷財也者凡行禮用財者取不豐不儉取於折中若苟且豐多則傷於貪財引周禮者秋官司儀職文案彼注云幣謂享幣也於大國則豐於小國則殺解經各稱其邦而為之幣彼又注云主國禮之如其豐殺之禮解經以其幣為之禮謂賄用束紡禮玉束帛乘皮及贈之屬是也 凡執玉無藉者襲注藉謂至藉玉 釋曰凡繅藉有二種若以木為中幹施五采三采者此繅常有不得云無藉今此云無藉者襲據絢組尺繅藉而言若廟門外賈人啓櫝取玉垂繅以授上介上介謁受上介屈繅以授賓賓即襲受即此執玉無藉者是也此文與曲禮同故曲禮云執玉其有藉者則謁無藉者則襲是也 禮不拜至 注以賓至為醴 釋曰此文承執玉帛之下聘臣事據鄉飲酒賓主外堂主人有拜至之禮此賓昨日初至之時主人請賓行禮賓言侯問此時賓已至矣故聘時不拜至是以鄭云以賓不於是始至注職脯至貌焉 釋曰此脯禮賓時所用薦脯是也案鄉飲酒禮云薦脯五

脰故云或謂之脰皆取直貌 主人至受之 注此謂至從者 釋曰

此主人之庭實者謂主人禮賓時設乘馬也經云賓執左馬以出三馬在後主人從者牽之遂從賓以出於門外賓之士介迎受之故鄭云此謂餘三馬也知士是士介從者以其經云從者訝受馬此既云士故知士介從者也 既覲至將命 注時有至致之 釋曰云猶以君命致

之者以經云將命是以知雖是私獻已物與君物同皆云君命致之臣統於君故注送獻至禮輕 釋曰云奉物禮輕者謂以奉私獻之則是主於貨傷敗於享覲故不入 擯者至請受 注東面至客也 釋曰擯者東面坐取獻舉以入告者謂

擯者從門東適南方西行於賓北舉幣入告於君及出一請於賓而受之故云出禮請受云東面坐取獻者以宜並受也者獻物在門外擯者出受之擯者與賓敵並受故云宜並受也云其取之由賓南而自後右客也者案上受享之時受皮者自後右客鄭注云自由也從東方來由客後西居其左受皮也此賓門西東面奠獻擯者從東由賓南自客後居賓左取獻物故云自後右客也 注固亦衍字 釋曰知固是衍字者以其上擯者禮請受不云固明知賓不固辭故云固衍字云亦者亦

士介私覲時賓固辭鄭注云固衍字當如面大夫也 注兄弟至夫人  
釋曰云兄弟謂同姓者若魯於晉鄭之等同姓也云若昏姻甥舅有親  
者若魯取齊女以爲舅齊則以魯爲甥是有親者也云非兄弟獻不及  
夫人者以其經云兄弟之國則問夫人則非兄弟問不及夫人可知  
若君不見 注君有至使者 釋曰云他故者病之外或新有哀慘也  
使大夫受 注受聘至卿也 釋曰知受聘享者以其在後雖有覲獻  
之法聘享在前是以據在先者而言云大夫上卿也者以其卿上大夫  
故以卿爲大夫必知使卿不使下大夫者以其君無故君親受今既有  
故明使上卿代君受之 注此儀至處耳 釋曰案上使大夫還玉於  
館大夫升自西階鉤楹賓自碑內聽命升自西階自左南面受圭退負  
右房而立大夫降中庭賓降自碑內東面受上介于阼階東此中與彼  
還玉皆升自西階此非易處也但還玉時賓自大夫左受之此中大夫  
於賓左受之其賓主之位皆易處於還玉時故云易處也 不禮 注  
辟正主也 釋曰案上聘享及私覲訖主君禮賓此大夫代君不禮故  
云辟正主也 幣之至釋服 注以與至某子 釋曰云不可以不速

也者釋經不釋服即注云所不及者下大夫未嘗使者以其經  
夫嘗使至者幣及之故知所不及者是下大夫未嘗使者也云不勞者  
以先是賓請有事於己同類既聞彼爲禮所及則已往有嫌也者此勞  
賓在後賓請有事於大夫在聘日云先是賓請有事於己同類同類謂  
幣所及者故鄭云既聞彼爲禮所及云則已往有嫌者彼國幣及己是  
以禮加於己今勞賓者是以禮報之若幣不及己若往勞賓則是已有  
禮於賓是譏賓無禮於己之嫌是以不往勞之故云已往有嫌也云所  
以知及不及者賓請有事固曰某子某子者當賓請事於大夫之時顯  
其張子李子之等使受禮者預知爾時不道己姓則知已乃幣所不及  
賜饗至若穆 注羹飪至作脰 釋曰古者天子諸侯行載廟木主大  
夫雖無木主亦以幣帛主其神是以受主國饗餼故筮尸祭然後食之  
尊神以求福故也昭穆言若者以其昭穆不定故云若也云脰餼不  
則士介不祭也者上致饗餼之時云上介饗餼三牢則飪脰三者皆  
有故云士介四人皆餼大牢無飪可祭故知士介不祭也 僕爲至其  
子 注僕爲至官也 釋曰經並云孝孫孝子皇祖皇考以其不定故

兩言謂上經若昭若穆亦兩言之云僕為祝者大夫之臣攝官也者若  
然諸侯不攝官使祝祝策矣案定四年祝佗云嘉好之事君行師從卿  
 行旅從則臣無事若君到主國祭饗之時得不攝官乎諸侯不使人攝  
 是以覲禮云侯氏裨冕釋幣于禰注云釋幣于禰之禮既則祝藏其幣  
 歸乃埋之於祧西階之東大夫使僕攝祝則是本無祝官與諸侯異矣  
 其諸侯禮大祝不行知不使小祝行者以其掌客云羣介行人案史是  
 諸侯從官不言祝明大小祝俱不行矣 如饋食之禮 注如少牢至  
 無之 釋曰云如少牢饋食之禮者案少牢禮有尊俎豆鼎敦之數  
 陳設之儀陰厭陽厭之禮九飯三獻之法上大夫又有再祭於室饋尸  
 於堂此等皆宜有之至於致爵加爵及獻兄弟弟子等固當略之矣 假  
 器於大夫 注不敢至祭器 釋曰案曲禮云大夫士去國大夫寓祭  
 器於大夫士寓祭器於士注云與得用者言寄觀已後還若然卑者不  
 得用尊者之器是以此大夫聘使不得將已之祭器而行致饗饋雖是  
 祭器人臣不敢以君之器為祭器是以聘使是大夫還於主國大夫假  
 祭器而行之 盼肉及度車 注盼猶至作紛 釋曰此謂幣歸昨

在下云度度人也車巾車也者案周禮天子夏官有度人職掌養馬春官  
 有巾車職諸侯雖兼官亦當有度人巾車是故引周禮為證 既致至  
 之數 注稍稟至為餼 釋曰云既致饗旬而稍者以其賓客之道十  
 日為正行聘禮既訖合歸一旬之後或逢凶變或主人留之不得時反  
 即有稍禮故下文云既將公事實請歸注云謂已問大夫事畢請歸不  
 敢自專謙也主國留之饗食燕獻無日數盡殷勤也是主人留之是以  
 周禮漿人亦共賓客之稍禮注云稍禮非殮饗之禮留間王稍所給賓  
 客漿人所給亦六飲而已諸侯相待亦如之是其留間致稍者也云  
 乘禽乘行之禽也者別言此者欲見此乘非物四曰乘言如其饗餼之  
 數者一牢當一雙故聘義云乘禽日五雙是此饗餼五牢者也云鴈鴛  
 之屬者依爾雅二足而羽若然上介三牢則三雙也士介一牢則一雙  
 也羽謂之禽故以禽為鴈鴛之屬云其賓與上介也者以其下文別有  
 士介故也 凡獻至于面 注執一至門外 釋曰云上介受以入告  
 之士舉其餘從之者此乘禽而云凡獻宜約私獻私獻擯者取獻以入  
 士舉其餘此若上介受入明其餘士舉從入可知云不辭拜受于庭者

以其經無辭文又饗餼云禮辭明此禽禮輕無辭受於庭可知上介執之以相拜于門中乃入授人者此亦約私獻私獻之時擯者取獻以入又云擯者立于閭外以相拜賓辟擯者授宰夫是其約也云上介受亦如之者以其受饗餼之時上介受已如賓禮故知受乘禽亦如賓也云士介拜受於門外者以其受餼在門外此受乘禽在門外可知禽羞俶獻比注比放至時賜釋曰云禽羞謂成熟有齊和者以其稱羞謂若庶羞內羞之等故稱禽則以鴈鴛等為之故以成熟解之聘義謂之時賜者案聘義云燕與時賜無數時賜謂四時珍異以賜諸賓客與此俶獻是一物故引以為證各以其爵朝服注此句至在此釋曰云宜在凡致禮下者以其各以其爵朝服為致禮而言故知義然士無至無擯注謂歸餼也釋曰案上經直云宰夫朝服以致之是其無饗宰夫退去士介不償之是也大夫至辭矣注此句至之下釋曰此謂賓問卿之時卿不敢辭者以賓聘享訖出大門請有事於大夫君禮辭許是君初為之辭故卿不辭也凡致至邊豆注凡致至今亡釋曰云其其賓與上介也者案上經賓壹食壹饗上介若食若

饗唯士介不言饗故知其中唯有賓與上介耳云加籩豆謂實于饗者案致饗餼醢醢是豆實實于饗明此饗之豆實亦實知也案昭六年夏季孫宿如晉拜芻田也晉侯享之以加籩武子行人告曰小國之事大國也苟免於討不敢求既得既不過三獻有如下臣弗堪無乃戾也此中致饗有加籩豆者饗使者無加籩豆正禮此云加籩豆者躬勤之義也云饗禮今云者以其食禮在知其數饗禮亡無文以知之無饗者無饗禮注士介無饗禮釋曰無饗者無饗禮文承饗下故鄭以無饗禮解之以其賓與上介饗餼俱有故有饗士介唯有餼而已無饗故無饗禮也凡餼至五斛注謂大至大略釋曰案上經云大夫餼賓大牢米八筐衆介米八筐不辨大小故此記人辨之云筭五斛云器寡而大略者以其君歸饗餼于賓與大夫介筭米小而多者是尊者所致以多器為榮今大夫致禮於賓介器寡而大是略之於卑者也既將公事賓請歸注謂已至勤也釋曰云已問大夫者請問三卿與下大夫嘗使於彼國幣所及皆是君命及以君物行禮者皆是公事事訖故請歸也云主國留之饗食燕獻無

日數盡殷勤也者亦謂至旬賓乃將歸主君乃留賓有此饗食燕獻之  
 等故燕禮注云今燕又宜獻焉是也三無日數者謂行此饗食之等相  
 去希數無常日數盡主人殷勤也 凡賓至聽之 注拜拜至不拜 釋曰案上經  
 云賓三拜乘禽於朝訝聽之遂行舍于郊又案司儀云明日客拜禮賜遂行是臨  
 行大小禮皆拜賜則知唯米粟為薪等不拜也 燕則至苟苟 注饗食至以上  
 釋曰云饗食君親為主尊賓也者以其饗食在廟為賓故君親為主至後燕禮在  
 寢又以醉為度崇於恩殺於敬故賓辭而使介為賓也以苟苟為小  
 者以詐階西近主為位諸公坐位故云小苟對戶牖南面為大苟云更  
 降迎其介以為賓者介在廟門內西北面降至庭迎之云不與亢禮也  
 者略取燕義文解君不親為獻主而使宰夫之意也云主人所以致  
 者自敵以上者謂兩君相見兩大夫兩士以上則主人親獻也 無行  
 至反幣 注無行至反幣 釋曰云重其賄即上賄在聘于賄是也反  
 幣謂上禮玉束帛乘皮是也云秦康公者案文公十二年左氏傳云奉  
 伯使西乞術來聘云云是也此特來非歷聘歷聘則吳公子札聘於上  
 國聘齊聘魯是也 日子至之辱 釋曰此及下三經即上經云公館

賓辟上介聽命聘享夫人之聘享問大夫送賓公皆再拜注云拜此  
 四事彼見其拜此見其贊辭也 君以至君拜 注此贊至之辱 釋  
 曰云言君以社稷故者夫人與君體敵不敢當其惠也者釋經云社稷  
 故以其禮記哀公問孔子云取夫人為社稷主婦人無外事天地并社  
 稷后夫人雖不與以夫婦一體故夫人亦得云社稷主是其云社稷故  
 者見夫人與君體敵今夫人使致禮來主人不敢當下文云君貺寡君  
 延及二三老是與君不敵敢當之也 又拜送 注拜送至之下 釋  
 曰此即上經君即館拜送賓故鄭云此宜承上君館之下 注不致至  
 敬也 釋曰若賓敬主宜致主人敬賓宜拜皆是崇敬若致與拜即是  
 崇新敬故不為若鄉飲酒送賓賓不答禮有終相類也 大夫至饗之  
 注樂與嘉賓為禮 釋曰案鹿鳴序燕羣臣嘉賓此無罪饗之亦是樂  
 賓為禮者也 過則餼之 注餼之至執之 釋曰云過則餼之謂禮  
 有失誤故引聘義使者聘而誤主君云不言罪者罪將執之者春秋之  
 義聘賓有罪皆執之若然上經云無罪饗之有罪非但不饗又執之此  
 過則餼之雖不饗猶生致過輕故也若然上云罪下云過互見其義也

其介爲介 注饗賓至禮也 釋曰謂饗賓於廟之時還以聘之上介  
爲介若然上經上介主人別行饗則是從賓爲介得介得饗復別饗也  
云賓尊行敵禮也者若鄉飲酒賓主行敵禮而有介然也 有大至致  
之 注卑不至齊禮 釋曰此據聘禮而言則無君朝之事若然則前  
有小國之卿大夫來聘將行饗食有大國卿大夫來聘則廢小國饗食  
之禮以其卑不與尊齊禮並行之 唯大聘有几筵 注謂受至神位  
釋曰案上經云几筵既設擯者出請命者行聘享及私覲禮畢云宰夫  
徹几改筵是行聘享爲神位今小聘不爲神位屈也 四秉曰筥 注  
此秉至斂齊 釋曰云此秉謂刈禾盈手之秉也對上文秉爲量名也  
引詩者證此秉爲盈手齊即此筥亦一即今人謂之一鋪兩鋪也 注  
一車至作綬 釋曰云一車之禾三秬即經致饗餼時云禾三十車車  
三秬也

儀禮疏卷第二十四

